

摘藻堂四庫全書薈要

集部

欽定四庫全書薈要

集部

懷麓堂集卷十一



欽定四庫全書薈要卷一萬六千六百三十九

集部

懷麓堂集卷十

明 李東陽 撰

詩稿十

五言律詩

傳曰川席上賞菊得朝字

野色自蕭條幽齋共寂寥
崩欄將石護細竹引泉澆
地僻應稀到情多屢見招
畱連更何日爛熳是今朝

哭張行人暉吉

十載同年淚因君更滿襟辭家萬里遠憂國二毛侵病
減郎官俸貧揮使者金平生冰雪操絃絕為知音

題許廷冕職方畫

路轉循岡背橋回傍水根幽人不到處茅屋自成村浦
樹經秋落山鐘向晚昏偶然一攜手相與倒芳樽

聞捷

戎馬三秦外風霾百越間捷書連日至恩賞一時頒虎

將行班旅龍姿坐解顏相逢罷驚喜辛苦說關山

桂軒

小樹入西園虛庭風露繁細香縈駐屐清影傍開門永
夜幽人夢清秋素女魂此時俱寂寞醉醒各無言

哭舍弟東川五首

樹好連枝折身危半臂存乾坤幾時夢骨肉一生恩寂
寞空殘話蒼茫有斷魂哀鳴時自觸痛極本無言

其二

慈母嗟何及三人瘦汝強提攜成老大辛苦竟摧傷世
事翻今昔悲歌遞短長向來門戶託回首意淒涼

其三

坐客嗟王濟諸兄愛孔融科名須爾輩孝友是吾宗弄
筆時揮灑論經或異同羽毛看漸舉摧折向天風

其四

江湖為客地舟楫傍親行羈旅看顏色倉皇數驛程南
鳥懷夜匝北雁望秋鳴却望天涯草萋萋春自生

其五

束卷朝仍出移燈暮始歸病餘心力在路隔死生違南
國諸生去西鄰舊主非向來車馬地一過一沾衣

哭舍弟東山十首

四海惟兄弟三生忽夢魂乾坤身獨在肝膈義俱存割
絕翻成恨歡娛不是恩此情終類激天意故難論

其二

乳哺生前恨形骸死後身

先孺人棄世時東陽十
歲山四歲川僅兩歲耳弟兄

吾最長骨肉爾俱淪愉色難供養浮名不慰人後生雖
可念漁獵恐傷神

其三

慟哭三郎逝淒涼二載過我心方抱棘汝淚復懸河齒

為脣餘冷哀從樂處多

山婚時追念川弟哭不絕者數日聞者嗟歎

猶憐夢

中句聲斷不成歌

山未死數月晨起告子曰山夜夢送別川弟作詩一絕予默然不應時山

已病意知其不祥也其詩曰岐路悠悠歲月賒風霜蕭瑟最堪嗟送君此去須珍重何日何年得到家後予亦

不復省憶族兄經能記之如此云

其四

婉婉承顏日居然意不違
眼昏常劇淚身病不勝衣
藥裹經春斷書聲入夜稀
舊時趨走地寂寞少光輝

其五

古人稱一樂此意極憐渠
喜色偏依面微言或起予
肝腸中斷絕日月幾居諸
羨殺原頭鳥相隨鳥不如

其六

爾生雖弱弟遇我若嚴師
不盡平生話終慚死後知
在

囊時穎發於道亦潛窺愁絕西堂夢思君不為詩

其七

義重潘夫子三年授一經在生心感激垂死語丁寧

山病

甚恒自誦曰吾負吾師比死猶云云不絕

孝義聞遺軌文章見發硎王生亦

嗚咽哀誅忍能聽

山死時時用使其同學生王佩致奠王哭甚慟且哭且誅坐客無不慟者

其八

娶婦雖成寡傳宗幸有兒向來三月僅

山死時其子已亞孫生三月

是百年期婉孌仍多病存亡恐未知我心逾第五倉卒

敢論私

其九

骨肉仍多病三年血涕流

甲午正月川亡乙未十月岳氏妻亡丙申五月山亡

身猶劇病親老更禁愁薤葉偏多露荊花亦自秋牛眠
恐未穩匆迫重為謀

其十

命也嗟難及悲哉祇自傷萬端皆觸目一日幾回腸晚
歲歸搖落幽魂墮渺茫詩成意不極身在恨難忘

中秋三憶

旅宿長安夜歸期已隔年
齋燈獨自照禁月向誰圓
冰葉郎官操風霜使者權
此時清不寐鏘佩想朝天

右天錫

迢遞東樓月清光似去年
子應長閨寂吾亦念虧圓
性癖從書卷愁多付酒權
隔城鐘鼓盡空望沈寥天

右士常

美酒登樓夜芳秋折桂年
馨香花自發藻鏡月虛圓
出

處賢人義陰晴造化權世間無李白誰與問青天

右時用

次汝學地官韻送民表還治望江二首

縲絏孤身在風塵兩鬢餘福寧非塞馬殃已分池魚載
覩虞門闕終沾漢網踈悲歡意不極臨別但踟躕

又

十年杯酒後早已壯夫為肝膽竟何託萍蓬非我期旅
燈愁絕夜江雨夢醒時脉脉雲霄上含情欲語誰

雨赴文明席偶成

雨帶青簑濕風將折角低
幽期吾不負舊路此俱迷
書到勞僮僕泥深仗馬蹄
茅簷日未短猶及午時鷄

齋居和亨父用杜韻二首

禁直居仍限篇章意屢沾
蟲魚開素帙燈月亂疎簾
舊事逢人說新交與歲添
揚郎猶抱寂吾亦愛吾潛

又

靜坐擁寒氊思君欲廢眠
書筒忽東遣詩檄已西傳
若

盤流春雪琴來響夜泉舊堂簪盞地夢醒不知年

次韻寄沈亞叅時暘并東戴憲副廷珍二首

聞道南臺鳳西飛共一林舊遊經歲改別恨入江深迢
遞秦關路驅馳魏闕心兩鄉書到日燈火共開襟

又

二月無花柳春寒尚滿林倦看書屢廢愁酌酒須深廊
廟賢臣業闕河壯士心故人俱在遠誰與豁吾襟

送茹知縣玉之新寧

乾坤三峽水今古一奇觀老覺襟懷壯貧嗟道路難
雲朝擁馬巖樹晚棲鷺萬里我蒼月青天盡處看

題倪雲林畫次倪韻

江雲亂人目江水綠人衣苔雨疑將濕林風聽漸稀
吳儂歌竹送越客采菱歸不見滄洲老垂楊拂舊磯

送陳同年直夫還南京御史

北闕新恩命南臺舊法星九違燕草碧三見蔣山青
臥病聞安石還家憶管寧平生激揚志未合老沉冥

其二

君來方苦旱君去復窮陰
畎畝蒼生計關山獨客心
夜燈愁易盡秋鬢老能侵
總道為官好馳驅恐未禁

其三

病來緘口坐今日為君開事忌
於名近身寧與世猜鳳
麟終瑞物鷹隼亦雄才
畢竟將安作憑君次第裁

偶過匏菴見東軒成留壁上

吏靜真成隱居然市作郊
罅墻深嵌屋危樹巧安巢
竹

老穿籬過棋清隔院敲一枝如可借吾亦繫吾袍

次韻寄答若虛提學

江水四千里憶君情許長看花自開落閱世幾炎涼病
覺衣裳懶官嫌筆硯忙詩壇鏖戰力再接恐難當

春雪

兩旬三見雪雪意晚何濃照夜不知曉入春翻似冬擁
寒愁破被試淺得孤筇却作東郊雨猶堪慰老農

種竹

剝買城中地多應為此君涼生別院雨綠滿後溪雲秋
至不改色夢醒時一聞屋居或未免聊爾洗塵氛

中元謁陵遇雨二十首

月暗城鴉曉風涼苑樹秋陌塵紅不動山雨翠初浮桑
柘村村路鳬鷗處處洲時方重王事吾亦愛山遊

又

勝國遺蹤遠荒城舊築存堞雲隨鳥盡壕雨帶沙渾塞
馬空南牧霄車竟北奔中原今一統佳氣繞乾坤

又

別苑連城去膏腴百萬疇剩栽宛苜宿空老漢驂驄地
惜桑麻少天教雨露優兵資與農事廊廟重為謀

又

此地經年赤川原燠欲燒夏畦初過雨秋麥僅宜蕎歲
歉租仍在民貧業半凋紛紛漢使者誰與駐征軺

又

水淺車堪涉橋危馬畏過斷碑空歲月歌石半坡陁旱

溢如相代陰陽恐未和舊時漂沒地河瓠有遺歌

又

關塞連天險河山毓地靈勢分蛇鳥陣威踞虎龍形六月車仍出三城築未停北門多鎖鑰邊徼坐來庭

又

諫議新祠在詞林舊館開清風隨客至飛雨隔峯來吊古懷唐策登高羨楚才同遊不共宿吟望轉悠哉

又

山雲原易雨半日幾陰晴乍遠忽疑近自昏還徹明漏
移茅宇濕涼覺布衾輕預想登山路崎嶇未可行

又

莫道山城遠出城方入山過岡泥滑滑歷澗水潺潺旅
客起常早僕夫行苦艱神宮在天上高處若為攀

又

紫蓋鬱葱葱園陵御氣中鼎湖龍作雨金粟鳥呼風四
聖神遊迫三時祀典同小臣生也晚無地泣遺弓

又

候謁長陵夜立宮闕不開雨鳴松淅瀝山擁殿崔嵬藉
草衣全浣臨厓意欲頽靈旂恐沾濕瞻送屢徘徊

又

野步憑虛迴岡行出險遲水深曾渡處雲暗欲歸時吏
僕真憐汝行藏合問誰我生踈散甚聊此共驅馳

又

雨燈明更滅人語夜沉沉欲往愁無路山高溪水深命

微纔一綫戒重豈千金實下思親淚兼懷望闕心

又

四顧惟一水此身能幾何野行多積潦川涉更驚波直
恐山根斷真疑地軸頗小臣奔走職筋力任消磨

又

遇澤恐陷左作車誰指南馬從淵處躍途向險中探前
定諒非偶先幾徒自慚舊堂如夢裏何意共清談

又

水急人爭渡舟輕不受裝車徒南北限篙楫往來忙尺
地悲魚葬高雲羨鳥翔獨慙樗朽質難作濟川梁

又

兀兀中流坐茫茫何處津岸無牽纜力波有縋舟人自
保中孚信終為既濟身迴洲若相逐此事不無神

又

老馬無鞍策蕭然一吏隨倉皇投逆旅惆悵立多時稍
喜朋游集都忘道路疲前村燈火夜再宿本無期

又

小雨斷還續
羈人睡復醒
野風秋瑟瑟
川霧曉冥冥
驛路初迴馬
民家半啓扃
遙憐後渡者
猶隔兩三汀

又

久雨人皆病
新晴馬欲飛
老親驚出戶
稚子走牽衣
痛定方知痛
歸時始是歸
向來夷險地
一笑已忘機

東掖對月三首

碧空懸素月
了不挂秋毫
萬古不改色
衆星皆讓高
觀

看鳩鵲影池數鳳凰毛玉宇寒應近能辭望眼勞

其二

月滿千門夜寒生十月交素光隨劍佩空響徹鳴鞘官
漏曉初滴霜鐘晴更敲侍臣瞻望地無語立螭坳

其三

長安今夜月還與舊宵同星影澹猶在水光寒欲空都
非弦共朔那更雪兼風願比光明燭高懸萬象中

画鷹

岸幘空堂晚飛霜足練秋野風吹蒼莽山葉助蕭颼萬
羽愁相肉千人莫浪求獵心吾未老誰與臂雙鞬

重陽甲子雨不赴匏菴自賦一首

重陽偏遇雨甲子况逢秋老樹花空落平池水逆流路
危妨躡屐風急怕登樓獨負東園約黃花笑黑頭

聞方石先生有南京祭酒之命喜而有作

祭酒中朝重先生絕代賢聖恩終簡在歸興本飄然樂
極真名教交深豈歲年吾方慰公望不敢惜離筵

齋夕寄體齋圭峯二學士

獨宿清齋夜思秋望雨心可人無一至酷暑太相侵漫
擬堂為玉真愁地鑠金病妨奔駿力偃仰負冠簪

中元謁陵谷體齋學士贈行韻二首

歲逼中元夜雲輕欲雨天使輶頻復駕別袂近猶牽淺
水雙鷁濕涼陰一葢圓兩官三攝篆愧負已經年

又

鞭轡停驅馬冠裳候入陵野行迴夜虎林卧起秋蠅漢

殿班頭月唐祠夢裏燈仙寮有佳貺持報恐無能

途次答圭峯學士用前韻二首

百里山原路陰晴各一天星裝聊共載雨纜不須牽野
濶叢霏薄池清樹影圓肩輿渡河穩因憶泛舟年

又

一水斜通縣羣峯碧繞陵露袍沾宿草風塵散山蠅徑
險蘿侵磴途長月代燈贈言君為再欲報轉無能

送羅時泰憲副備瀘叙

劔閣攬天起巴江劃地流駐兵增六鎮分臬比諸侯社稷須長計乾坤有壯遊安攘非兩事慎勿倚戈矛

見蝗

癸丑閏五月七日

西日照城東飛蝗忽蔽空聲如挾風雨勢若走兒童老眼何曾見殘年未擬豐憂勤正雲漢玄默可能通

送董圭峯之南京禮部侍郎二首

南國今豐邑東曹古秩宗學方推董賈賢總讓夔龍陵廟瞻新禮山川憶舊蹤江樓興不淺何日許追從

又

長安一傾蓋二十五回秋
玉佩隨仙步青衫識舊遊
通年兒女熟愛客酒樽留
却恨長江水偏能送客舟

東鄰

多雨動經月一涼先報秋
愛花思種菊望遠怯登樓
病喜中年退官因薄養留
東鄰有知己詩罷可能酬

和韻答友人

百年為客興強半酒盃中
旅夜親燈影江春憶釣蓬
才

憐皇甫湜狂愛斛斯融寂寞誰相問祇應吾意同

歲暮有訪

移居西郭近歲暮得相過一室矮如此寸心寬幾何野
愁仍草莽江夢是風波久客須珍重春來強醉歌

送何孟春歸省其大父僉憲公且應湖南試

山水湖南秀英靈信有之後來誰先子今去有餘師漢
室占星聚虞廷指鳳儀聰明愚可守此語未堪疑

送攸縣陳賢官

雨過波江綠春深楚客歸岸花隨路發沙鳥背船飛門
對孤峯秀庭餘寸草暉杏林多舊樹應長去年園

五言排律

送楊尚寶克靖江府冊封副使

先朝台鼎地東里子孫賢秘閣三千卷符臺二十年驂
騶骨老大驚鳳意蹁躚白戰危孤壘雄談漏百川才名
非忝竊供奉不虛員掖轉臯門右班分黼座前銅章嚴
夜衛玉璽聽晨宣魚袋諸衙集螭文舊印專東西頻節

傳前後擁貂蟬帝錫雲仍貴星分楚鄭躔旌幢隨導引
環珮肅周旋聖代儀文備藩王禮數虔詔開雲霧宇燈
簇綺羅筵榮幸真無比遭逢衆所憐此時沾慰遣茲事
豈述遭樹暗梧溪雨帆輕桂水天花飛春漠漠石亂水
濺濺細路岑巖際高城鼓角邊縣官齊下馬津吏自開
船公事程期近家園道路便壯遊真汗漫歸興得攀緣
梓里青山在松林白露懸衣存遊子線祭有大夫田綠
奠藤原醕黃焚草誥賤恩光回落景靈爽動哀泉此願

人皆有如公寔不愆幾家通舊閥羣從接登仙目斷江湖迴心違几杖偏風流懷阮籍江漢望張騫我亦同朝士臨歌意渺然

送彭教諭貴三之儀真二十韻

貴三敷五之兄嘗為吳學

本是藍田玉由來渥水駒精靈隨地發材力應時須斫月心能壯梯雲路轉迂南州聞鶚薦泮水得鴻儒紫綬誰沾命青袍不負吾曉盤堆苜蓿秋院鎖蘼蕪几杖長專席冠裳必共趨始知名教樂自與利聲殊道義皆繩

尺文章亦範模世人多汨沒此意實泥塗大雅思賢者
高情見友于塤箎春燕集風雨夜牀俱旅步仍回泊離
腸重斟紆謝堂驚夢寐姜被惜歡娛疋馬重過剡輕帆
舊入吳鬢毛頻歲月萍跡更江湖楊子風濤闊金山島
嶼孤素心隨利涉赤縣乃名區散吏身猶縛登仙望不
無賦詩慙急就匆促問征途

送傅曰會還新喻二十韻

旅館愁相送秋空一鴈高弟兄君輩少江漢我心勞憶

昨趨京輔逢人說俊髦卧龍猶在匣陰竊未離臯章句
還周雅風流亦楚騷戰酣看屢捷技癢不容搔好客延
青眼留詩駐彩毫遷鶯方伐木呦鹿更鳴蒿露熟南州
釀霜甘北渚螯飲醪心獨醉投轄意頻叨暮雨層城榻
寒江八月艘舊鄉懷骨肉遊子慎風濤桂闕懸丹樹芹
宮映白袍驚行春束卷熊餌夜分膏歲月供鉛槧交情
識佩刀文章吾所畏衡鑑爾能逃禮樂逢今代功名在
此曹上書須賈誼獻頌得王褒塵土辭羈馭雲霄待羽

毛振衣千仞表應不負人豪

胡忠安公輓詩四十韻

文廟臨朝日英皇復辟年我公台鼎貴臣職始終全舊
錫恩榮榜仍居侍從員皂囊繁出入彤陛儼周旋擾擾
羣疑會皇皇四牡篇路應窮地軸歲屢變星躔

公受密
命進行

四方前後十有七年曉謁班留筭宵歸炬擁蓮至今天上語不遣

外人傳少海驚波定金滕密疏虔論功同李泌辱命豈
張騫南國非旁郡東僚亦左遷獻陵貽睿想宣室問遺

賢典禮煩咨岳為舟憶濟川廟廊資治理帷幄贊兵權
討逆東平漢從征北過燕從容陳俎豆談笑却戈鋌伏
鉞風塵際留司雨露邊兩曹兼掌握三少累登延紫誥
蛟龍織珍羞玳瑁筵篆分銀印細花簇錦袍鮮榮戟城
西第桑麻海上田雲霄三接近優遇一時專綠野家山
在丹心聖主憐挂冠雙鳳闌歸櫂五湖船老子元知足
陶朱不愛錢弟兄頭總白賓客戶常聞面受婁公唾身
無董氏弦恩魚隨網散馴犬上階眠

公有犬當庭卧
公出入必避之碑

板尋常見暨方次第詮瓊留京口釀餅引惠山泉壽愷

堂何愧忠安謚有焉相台秋正折卿月夜虛圓異骨殊

凡品前身本解禪

公自言天池和尚後身

浮生過九十空界出三

千海內文章伯人間富貴仙姓名兒女說簪笏子孫聯
桃李當時盛葭莩後代連高山嗟仰止先輩已茫然日
月居諸裏江湖涕淚前賦詩裨國史詎有筆如椽

無錫華大母鄒氏年二十有一一子纔二歲夫

病篤以子屬母顧而不及鄒意其不信乃託

子於姑自經死以示無貳志夫死子壯姑乃卒
趙刑部汝吉請紀其事乃作是詩

婉婉從夫日辛勤抱子年晨昏親藥餌少壯損朱鈿姑
老兒堪託生微命可捐謀遑卹我後死決在君前目剔
情非壯心刻見豈偏寧為大激烈不作更遷延巢穴空
黃口容華易白顛人皆稱節義天不負精虔俎豆餘三
世松楸閔九泉報劉恩罔極存趙祀終全有美江南俗
他時海內傳鄉評聞最德國典憶旌賢名教闢吾道肝

腸重汝憐澆漓不可問古意益茫然

題傳曰川脩撰曰會中書兄弟趨朝圖

鳳穴連翩起螭坳次第登羽毛皆俊拔意氣各騫騰燕
賜瓊林屢班躋玉陛仍旒瞻依黼座闕步繞觚稜陌引
聯鑣騎簾疎隔院燈萼樓紅影近桂殿碧陰層簡出遺
書校麻翻御草謄袍分五色錦銜帶兩條冰大冶聲頻
躍連城價倍增謝堂題省筆姜被擁官綾舊德栽培久
前賢藻鑑曾食牛驚坐客渡蟻識胡僧勝地多奇產高

門合載興隨駟還並出元凱竟同升海嶽靈爭獻風雲
運可乘聲名馳赫奕文采映彪弭道義真模範詞章亦
準繩子由元學軾王縉不慙丞頌美詩人義圖形畫史
能冠裳俱偉碩丰度儼端凝孝本先膚髮忠宜念股肱
葵傾心足擬茅拔象須徵聖主方求彥良臣慶得朋商
家如夢說物色總堪憑

龍潭春雨

龍作春潭雨潭深雨自靈細迷江草綠遙帶海雲腥稍

集波驚沸終為水共渟野陰隨澗壑芳意濕蘭苓潤豈
遺枯涸來應墮杳冥戰旌愁屢濕鳴鬣振初停鶴羽飛
疑墮鮫人室罷扁蓬開看浩渺纓濯想清冷暝憶當窓
見宵宜到枕聽漏天難比蜀濁浪肯同涇旅泊家應斷
山居夢轉醒未勝岑絕地幽涕晚俱零

謝于喬庶子二親壽詩

綽楔今王制衣冠古謝家坊題狀元字庭老合歡花日
紀三冀隔星移兩歲差孟嘗珠作履潘岳板為車得酒

丹逾渥開奩雪未華桑榆收豈晚龜鶴算初遐綠橘懷
香遠黃魚入饌嘉縣分仙掌露書赴月宮槎秀色橋還
梓繁陰陡更瓜見孫憐我抱有子聽人誇道阻遙思越
辭荒強和已晨瞻海東郭佳氣蔚成霞

壽瓊山丘先生

周嶽生申日商巖夢說辰共瞻調鼎任純用讀書人位
迫登三事年高過七旬辭章極懇懇天語慰諄諄風雨
停參謁山林謝隱淪金名早定帶玉寵方新月彩占

卿象台階切帝宸汗青嚴袞鉞制草出絲綸芸閣編充
棟鴛班禮絕鄰著龜言必驗藻鑑識還真韋孟分傳業
王褒頌得臣飽經誇腹竒憂國見耆顰義補西山闕途
知泗水津正綱歸史法餘藝入詩神彼杜徒稱斷為曹
但飲醇武休論絳灌儒肯墮揚荀斗柄初迴子葭灰擬
報春雲棲高鶯鶯雪骨瘦松筠具爾鈞衡地巍然柱石
身壽筵如許預歌詠敢辭頻

雪和楊考功韻

白戰驚逢雪詩壇三戒嚴正眠還對枕漸起欲窺簷研
水先愁凍風襟不受黏屐痕隨獨步巾角帶雙霑舞起
冲虛鶴奔迷失路蟾地生方圓壁盤照水精鹽東邵行
應慣袁安卧恐淹醉憐松有釀貧憶歲無嫌白石終含
垢清水未比廉暮棲紛戢羽春植暗勾尖野蟄深防啓
遊鱗且自潛月昏無影樹天入夜明簾戍壘膚先拆雕
房火競炎我生閒不厭瘦骨病應添有客負奇氣高歌
掀兩髯不矜豪興逸頗愛野夫恬晝擁青綾被宵傳玉

漏籤舊堂賓主共逆旅歲時兼節憶中郎苦茶分學士
甜田家欣共報稚子戲能拈霰集曾聞詠陰凝屢玩占
郢才工已甚遲拙幸無嫌

懷麓堂集卷十

欽定四庫全書薈要卷一萬六千六百四十

集部

懷麓堂集卷十一

明 李東陽 撰

詩稿十一

七言律詩

橫塘春水

君家住在橫塘北長見洲邊春水生
窈窕斜通山澗曲分明直與釣磯平
比鄰鵝鴨應無數近渚鳬鷺亦有情

明日看花到南岸小舟搖蕩不須撐

團墩秋月

庾亮樓前月正明謝公墩上雨初晴清光照我雙吟鬢
此夜懷人萬里情隔竹流螢看不見繞枝羈鳥宿還驚
天涯一望鄉心切腸斷秋山笛裏聲

梅澗

地僻沙寒水更清老梅偏向澗邊橫風吹落瓣仍低隕
石壓傍枝却倒生野鶴對人輕欲舞蹇驢衝雪瘦能行

山翁只在中老看盡春光不入城

和寄莊孔易

同向詞垣直禁林每因公暇得招尋看花出郭春遊遍
刻燭留詩夜坐深世路風波無定所天涯時節忽驚心
松林步屨歸來晚相憶空齋只獨吟

雪中懷張亨父

寥落城西生事微朔風吹雪灑人衣園林黯淡花將盡
海國飄零鴈未歸防病祇須知藥餌忍寒仍自闢柴扉

無因得見滄洲子獨坐燈前夜話稀

鱗溪四景為汪刑部希顏作

蓮谷棲真

蓮花谷口見深宮聞說山靈住此中
鐘鼓過村春不雨旌旗翻日晝多風
椰榆鬼化千年樹偃僂人扶再拜翁
自笑乖慵違俗久也隨兒女問年豐

屏嶂凝烟

衆山烟霧有無中翠壁青屏面面同
草樹叢生春冉冉

峯巒欲散雨濛濛
高樓正合蒼茫坐
細路深愁窈窕通
醉眼忽驚無定所
亂霞殘照各西東

斗潭浸月

最愛碧沙潭上坐
幾看涼月可憐宵
山中草樹秋蕭瑟
水底魚龍夜寂寥
素女不眠愁把鏡
鮫人無語卧吹簫
謫仙醉醒歸何處
石上孤鳬偶見招

芳村夜讀

蕭條城市不聞喧
杳杳書聲若箇村
空谷響餘虛籟遠

一燈深處野堂昏，月斜孤枕長驚夢。雪打寒窗早閉門。
此夜客中渾不忘，隔鄰南語教兒孫。

答明仲次韻

平生高興入秋天，白戰曾驚在我前。詩為價高投屢惜，
席因年長坐常專。南華老子空談白，西蜀詞人罷草玄。
怪底相逢語言別，夜來藜杖有青烟。

答奚元啓四首次韻

溪上柴門映水關，比鄰鵝鴨自知還。老年正坐詩中瘦，

塵世惟應病裏閒，醉愛客來仍換酒。
夢驚春到強登山，比來肺渴今安否？
何日相逢解我顏。

詩老龍門畫不關，東壇西社幾人還？
看君秃筆何曾住，笑我高眠盡日間。
實怕行塵多似雨，更憐官馬瘦如山。
無因一見春風面，笑把清詩對病顏。

重簷寂寞閉雙關，俗客來敲到却還。
寒燈照影獨自坐，童子無語對人閒。
筆床書架此間屋，側履短節何處山。
自笑迂疎久成癖，可能羞縮向人顏。

小市春叢不到關鄰家兒女賣燈還幽人獨坐兩峯靜
啼鳥不來雙樹間酒伴有期思白社俸錢無地買青山
春風萬里江南意夢裏梅花強破顏

答陸克深次韻

浮雲如雪亂春晴却怪行時路未平杜老霧中真潦倒
韓家花裏較分明星奴不逐窮詩鬼風伯空勞訟雨情
忽有清詩慰愁寂疎燈細字與誰評

竹林別墅

竹根茅屋兩三間
大阮風流尚可攀
林暝參差隨落照
野涼蕭瑟動秋山
騷人載酒春相遇
稚子分泉夜獨還
從此不經州縣路
滿城桃李為誰顏

春寒二首

漠漠春寒尚不歸
朔風二月捲人衣
山中宿草深藏凍
塞外秋兵稍出圍
身病懶朝翻起早
世途無事失防微
城東十里郊亭在
把酒看春此意違

十日沙頭數雁歸
瘦軀仍怯換冬衣
天清晝閣先聞漏

寒重霜林未解圍
北地人烟隨路別
東園草色傍春微
高城足馬衝風急
書社蕭條事不違

自笑

鼓角聲寒不出樓
一燈無語照春愁
蒼茫却醒并州夢
寥落真停漢水舟
事偶隨人翻自笑
句非知己戒輕投
閉門只合昏昏醉
強飲無過一盞休

奉送櫟庵先生歸湖南省墓

冉冉青衿白鷺行
十年趨走向門牆
文章北斗心長在

杖屨春風坐不忘
官省樓臺通翰苑
洞庭山水過瀟湘
故園只隔孤帆外
有意扁舟繫草堂

送周梁石知廣德州

州居地僻簡逢迎
作宦從前懶近名
盡日鳴琴清里訟
一春騎馬看村耕
曲江芳草年年路
南國甘棠樹樹情
人說中朝官總好
我今無補愧昇平

西山和許廷冕劉時雍汪時用三兵部韻五首
望斷胡塵忽此山
五雲長拱帝宸間
龍門北去遙奔海

虎陣西來直跨關敵騎昔聞乘間入秦兵近報凱歌還
職方遂有觀風賦健筆無勞太史刪

鑑泉鱗石照無泥細草清蒲意欲齊寂寂坐溪看雨到
亭亭駐勒近鶯啼社中詩多驚頻換湖上山名問不迷
興發便須呼筆札酒酣敢側雁行題

春流曲折去還來細路縈迴合更開花落幽人愁未到
日斜歸鳥併相催祗園紺老雙林樹古洞青緣半壁苔
紅袖碧籠俱寂寞新詩讀罷重憐才

幾家烟火隔林微
林下相逢盡衲衣
老樹欹危當野徑
片雲輕薄駐巖扉
金床寶刹無年歲
碧海紅塵有是非
可待白頭成歛翼
高林未倦已知機

半嶺香臺石磴斜
諸空縹緲送天花
新開塔寺雄西鄙
舊賜經幢出內家
避暑亭前泉帶雨
回龍殿下水明霞
太平天子無巡幸
頭白山僧誦法華

送王侍御用之巡按湖廣

帝遣臺臣出北州
繡衣青蓋擁行驄
傳詞禁闕雙龍曙

攬轡高城足馬秋
吳地青山常禁斷
洞庭春水入江流
故園東下無多路
便節歸來是晝遊

秋雨答鳴治次韻

客情搖落竟難收
砌草墻花亦自秋
月盡俸錢隨例給
雨荒書屋借人脩
哀歌莫倚王郎醉
短髮聊同杜老羞
馬上誦詩渾不忘
為君歸詠水西樓

竹軒為徐以道先生作

城裏青山竹外扉
先生於世本忘機
賢如阮籍非耽酒

興比王猷只布衣秋杖倚風高葉下夜窓聽雨一燈微
蒼茫歲晚交游別歎息林塘舊事稀

寄張亨父

芳草西郊懶駕車故人東海忽傳書篇章斗酒期空到
野宿山行計恐疎江上放舡春水發燈前彈劍夜堂虛
身名豈合終疎放辛苦窮年問卜居

齋夜董尚矩編脩出金橘菖蒲煎見餉和韻二
首

小試春盤百顆香齋燈燕坐及新嘗園林舊採黃金實
風味猶清白玉堂千載帶酸僧有恨三更罷渴我能忘
應勞愛客頻沾灑清夢無因到石床

蒼山何處斲雲根露採風乾色尚存新製有方傳素手
清齋無意上芳樽材堪藥物還多賴名到詩家必細論
慙愧直廬三日卧蜜盤香筋屢過門

郊行戲效東坡吃語

荆局棘徑俱交加澗葛膠結兼菰葭劍歌擊角叫急景

車轂過岡經幾家郊居近稼價減穀江館隔暮歸及瓜
感今激舊更矯顧關騎警劫驚孤笳

過朱文鳴舊宅

生死論交竟惘然獨堪羸馬過門前黃金券後書空散
華館賓餘榻正懸解事小童悲識面承家稚子望增年
懷君剩有停雲句腸斷驚風為絕絃

送金德潤主事就養南京

南曹地僻迫無塵上疏多應為老親官有簿書還告沐

金方口人卷十一
饌兼魚筍足冬春浦中碧草空離恨江上青山是舊鄰
雙闕五年同奉引豈能無意送車輪

中元陪祀山陵有述

石徑巖扉入杳冥峯巒層複坐分屏天遺劍鼎神靈宅
地識河山表裏形虎衛旌旗晨擁陛龍宮燈火夜開扃
十年兩度陪鵷侶清廟歌成得再聽

黃土道中李員外同年留宿

雨澹荒溪野水昏蕭條鞍馬入空村平沙門渡逢漁子

深樹聞鐘隔寺門
白飯青芻非舊主
細泉嘉果得名園
東曹一榻分燈意
夜下虛庭白露繁

邢遜之先生輓詩

壁水蓬山共歲華
南宮地位切雲霞
金函一上迎鑒疏
玉節三隨奉使槎
闕
有才終積譽
茂陵無病獨還家
行人落日襄陵道
隴樹悲風起暮鴉

古劍次韻

望斗樓空紫氣高
古來神物待人豪
化龍浪說歸閩水

斬馬誰能借漢曹海內書生輕學武山中良治半為陶
千金不買公孫舞猶恐書成損鬢毛

松江曹翁松趣軒

松江地盡草堂孤江上松林野徑餘聽繞泉聲風颭香
步斜庭影月扶疎青山舊伴長留鶴白髮窮年自著書
日暮逢人問京洛五陵花柳意何如

馬上

玉珂朝散紫宸班馬上詩成按轡還近侍有名聊作伴

史才無用合教閒，狂過相府慵通刺。
貧住京華亦愛山，淺薄未酬升斗在。
漫將心事付朱顏。

立春日車駕詣南郊

煖香和霧繞蓬萊，彩仗迎春曉殿開。
北斗舊杓依歲轉，南郊佳氣隔城來。
雲行複道龍隨輦，霧散仙壇日滿臺。
不似漢家還五畝，甘泉誰羨校書才。

送李太常之南京兼呈座主劉少卿先生

侍從親承舊賜袍，宦途遷轉十年勞。
來經劍閣丹梯險，

去識鐘山紫氣高北闕遙瞻當夜斗南陵分薦及春桃
文章座主今劉向相見無煩寄彩毫

送開州陳同知

十年塵土暗青袍作宦今看改鬢毛南國才名非汨沒
北州民力正煩勞貧憐范叔惟塵甑貴識王祥有佩刀
春興不隨公事了絳紗籠月坐揮毫

晴洲釣者為兵部尚書程公作

一曲晴洲勝浣花尚書不似野人家溪頭雨過雲隨日

浦口鷗來水動沙詩興平生在泉石宦途憂國換年華
江南舊宅經遊地分付春風管釣槎

哭葉吏部

幾日風塵眼正昏忽聞哀報起開門聽餘空谷聲猶在
望盡中流浪始奔萊竹清風東署遠甘棠遺愛北州存
祇今耆舊推殘甚那復能招此老魂

九峯書屋和曹時和韻

江上草亭新卜築已聞楊子著書成每逢社日聊隨俗

久住青山却有情
霜入晚松經歲老
雨繁春笋過鄰生
小堂若許臨江閣
杖屨無煩足馬迎

哭竹岳梅先生

早將名姓託文章
長憶春風坐玉堂
師席久虛唐祭酒
門生終哭宋歐陽
家無舊草留封禪
國有遺憂在廟廊
一代幾人今更幾
為誰成就却摧傷

送文宗儒知永嘉和曹時中主事韻

永嘉地僻還依海
西到金華路復東
孤刹著山浮水上

暗潮乘夜入城中分封政合歸賢令述作君兼有古風
已辦牛刀供小試須知不數簿書功

和顧天錫九日病起韻

幾年清俸藉為郎病起空齋落日黃歲月半消書卷裏
鄉心偏近菊花傍門墻地僻秋生草砧杵城高夜擣霜
聞說簿書催更急未應瀟灑伴詩囊

送錢醫官歸鎮江

退食初回鴈鷺羣小齋詩卷坐斜曛官閒翰墨翻為累

歲晚江湖又送君鄉社衣冠猶近古故家醫術更斯文
金山寺裏鄰僧在應共孤亭望海雲

潘時用秋試病不終卷諗之以詩

一日長楊賦未成歸來卧病使人驚王嫫只隔君王面
李廣偏違塞上兵惱我不堪勞夢寐惜君非是愛科名
羽毛獨立秋風外不盡雲霄萬里情

送高按察致仕歸黃巖得雲字兼柬謝愚得

宦遊江海未逢君萬里乘驄舊所聞臺樹忽驚烏鳥夢

野心先赴白鷗羣人傳漢史東門畫我愛秦碑小篆文
歸向山中從謝傅定知塵世有浮雲

寄殷孝光表兄

風雨瀟瀟過北門夜堂燈火共清樽十年舊札寒暄少
兩世通家骨肉存江北地高鴻雁遠山中樹老桂花繁
別來無限青霄路何處相思是夢魂

和荅鳴治見寄韻

悼亡後作

獨坐寒燈如夢寐
空館雁聲殘
光陰隔眼三生易

塵世傷心一笑難
白雪冰絃懷舊侶
藥囊詩卷託微官
祇將顏色隨甘旨
漫拂新雛弄羽翰

送祁郎中順奉建儲詔使朝鮮

聖代山川盡海隅
朝鮮東面一藩如
冠裳舊入周王制
文字全通漢詔書
千里威儀瞻使節
萬年臣妾荷宗儲
茲行大抵關風化
四牡歌成意有餘

送李士儀歸宣府兼東鄭克脩

士儀士
常兄也

壯年丰采動人羣
坐愛清風滿舊聞
邵氏詩書還有種

繆家兄弟不如君移床夜散城東雨
跋馬朝停塞上雲
因憶鄭虔遷謫久不勝吟罷立斜曛

齋夕尚矩編脩出金橘菖蒲煎餉客
疊前歲韻

二首

搖落江南幾樹香由來北客未頻嘗
栽成雨足新苔徑
摘罷風低舊草堂
朝省故人春共賞
江湖幽夢夜難忘
枯腸坐覺清如水
不待銅鉗繫井牀

千歲嵩山石上根
舊時風味此猶存
堪隨杞實和仙餌

不學尊絲戀酒樽
秋逐艮船江上到
春勞楚客坐中論
盤餐幸有明朝約
疋馬朝回正過門

和明仲脩撰
舜咨侍讀克勤侍講
慶成宴坐上

聯句韻

是日以私
服不與

長憶春筵賜坐時
禁門同陟殿東墀
盃分綠醕傳宣遍
舞換朱衣出隊遲
日月正瞻龍袞象
風霜齊肅豸冠儀
鈞天不是人間樂
回首青霄隔路岐

送蔣宗誼推官還紹興兼東戴太守廷節

夜拂干將看斗牛送君何處獨登樓江東路轉家應近
天上槎回歲已秋雅興不隨山水放奇才端合廟廊收
文章太守勞相問又聽絃歌到幾州

西山雜詩七首

下馬溪橋散步行暑風絺紵入林清村穀野飯匆匆發
碧水青山面面迎踏盡平堤憐草綠到來幽谷見雲生
西湖勝事年年別幾日愁多不出城

幽巖脉脉細泉通百里宸遊是夢中樹底遊魚時見日

石間驚浪或兼風，神靈尚憶蛟龍宅。
枯朽猶含雨露功，聞道官河新水足。
欲題書札問元戎。

時會通新河成

路遶山根斷却連，亂藤深竹寺門前。
貧憐白屋蒸藜餉，倦愛青溪枕石眠。
載酒欲呼狂客醉，留詩聊結野僧緣。
深山六月無炎暑，一坐西風萬樹蟬。

路入西巖小洞天，碧床青燈許黃緣。
山中歲月空寒暑，世外緇黃亦化遷。
崖蘚剝餘猶有字，石泓陰處欲通泉。
相逢擬就湯休宿，野性從來不解禪。

望盡孤雲入杳冥，翠微深處一茅亭。
高臺地迫秋先至，古榻僧閒晝亦扃。
詩思更隨流水遠，醉魂還為碧山醒。
憑虛試徹凌雲調，應有遊人下界聽。

數頃湖田一半荒，野人門巷日蒼涼。
鳩啼遠樹雲初合，龍卧深潭雨自藏。
幾處犂鋤當暮急，誰家稭稻及秋嘗。
蒲團竹几隨緣坐，獨愛山僧午夢長。

潭影蕭蕭碧樹寒，一亭山色俯潺湲。
踈林隔寺聞僧語，落日登臺見鳥還。
塵事豈知明日異，吏情應識野人閒。

丹崖翠壁潘郎興長恨巉巖不共攀

雨睡得鳴治詩次韻奉答

十日長安陰復晴滿庭幽草亂愁生青綾夢蝶晨猶戀
紫陌聞雞夜亦驚顧影獨憐身似客對門應覺路難行
亦知散事非真隱猶有詩人憶姓名

祈雪齋居以病不赴雪後和鼎儀韻

禁廬通直愧無能伏枕偏驚歲月增好事每勞詩作貺
壯懷兼與病相凌熏爐夜永青綾暗水殿風高碧瓦層

惟有關垣殘雪在憶君終夕望西稜

鳴治自齋居以詩來問風火之警次韻奉答

踈燈殘漏五更初回首驚塵入夢餘已愧焦頭為上客
始知容膝是吾廬垂堂尚憶千金重處世兼防百慮踈
賴有高情通問訊數詩清切慰愁予

送秦武昌廷韶

鳳凰臺上題詩去鸚鵡洲前建節行萬里山川佳麗地
六年江漢別離情悠悠曉夢塵隨馬漠漠春寒雨帶城

好種甘棠三百樹他時留詠漢公卿

和秦武昌赤壁懷古韻

楚雲荆樹擁蹉我一棹曾衝萬里波時代不同嗟我晚
江山如此奈人何地從割據終全盛天遣文章為不磨
聞說宦遊兼吊古鶴樓東下水聲多

閏月二十七日再罹風火之警睡起疊鳴治前
韻

宿火重驚夢覺初浮生今得靜觀餘八千劫外竟何物

三十年來惟此廬
甑未破時猶却顧
虎魯談後豈全踈
北窓依舊清風在
未必羲皇勝宰予

送孔公璜三氏學錄

泰山東望入層雲
闕里門牆曼不羣
六十代來孫又子
二千年後我逢君
虞廷禮樂新遷豆
魯壁絃歌舊典墳
兩縣師模三氏學
薦書先傍九霄聞

和鳴治韻寄乃叔愚得太守先生

楚江離思入芳年
同泛滄浪一葉天
藥裏自開緣我病

詩題偏得荷公憐已知昨夢非今日未必相逢是偶然
獨恨嵇康無一字可應魯著絕交篇

三月十九日師召邀飲適得家報生孫衆客喜
甚即席聯句書于堂壁歸疊前韻二首

我始生男君已孫且須傾倒共開樽風流頓合推前輩
奕葉還應大此門驥子幾時開道路鵲聲終日傍簷閣
從今阿囡稱郎罷更把方言仔細論

曉盤湯餅薦槐芽載酒同過內史家三世早知書有主

一翁真喜鬢無華夢中識面如曾見醉裏逢人或自誇
我亦居然大父行為渠翹望海東涯

次韻答邵戶部文敬前後得七首

忽枉東曹第一詩夜呼紅燭看烏絲郎官白壁元增價
翰苑明珠久見遺伐木每懷鳴鳥意投桃先愧鄙人私
張顛自有銀鈎筆不似公孫舞劍時

邵善草書
是日作楷

一代文章數首詩幾人贏得鬢成絲閉門頗笑陳無已
憂國誰憐杜拾遺滿座圖書嗟我病十年心賞荷君私

憑君直欲追風雅，須到周南未變時。

閣吏催成應制詩，御香初散雨如絲。
西垣地切層霄半，秘府書存百代遺。
通籍久懷明主賜，負暄終抱野人私。
多才獨愧東曹彥，未有賢勞答盛時。

城南風日總宜詩，滿地楊花十丈絲。
五夜鐘聲應有恨，十分春色去無遺。
山川尚憶登臨晚，樽酒長懷晤語私。
白雪調高空悵望，一樓殘雨夢醒時。

來往郵筒不斷詩，君才真似繭中絲。
詞華彷彿三王後，

字畫分明兩晉遺得失寸心元自許品題今日豈吾私
吳江落木何須道渾勝當年未見時

春興無端久廢詩愁心終日亂如絲才疎頗覺非同調
韻險頻勞為拾遺時語未工猶好古官逋多負敢論私
疎毫短札匆匆甚又是西垣上馬時

葛巾芒屨坐題詩祇欠江邊一釣絲藥檢舊囊書欲遍
夢回春枕事多遺人情更與新年別草色寧知要路私
獨在卷簾深處望西山無數雨晴時

齋宿和鳴治韻

禁城鐘鼓報春遲
作宦頻驚節序移
藤几竹床三日卧
茗甌詩卷十年期
倉皇不負黃公意
淺薄終慙鮑叔知
共愛開軒坐明月
好雲多事莫相疑

又和王世賞韻

西垣香火奉嚴誠
坐久空窓白漸生
方朔歲年猶飽飯
子雲詞賦竟虛名
天臨華蓋春星近
月照方諸夜水清
忽有仙郎傳妙句
彩雲東望獨含情

送李宗衡還閩分題得淮浦聞鴻

戶部員外
時望之弟

淮上春深水接烟
遙聞別雁下平川
雲移遠樹猶回馬
風斷高城正繫船
杳杳北天誰作伴
迢迢南夜不成眠
江湖不隔歸時夢
消息應勞萬里傳

謝蕭文明惠榛子

野簇蹊叢滿地垂
飽霜經雨亦多時
長疑塞外隨車遠
錯恨山中結子遲
竹籠舊封勞夜到
茗芽香盞入春宜
知君情比投桃重
不愛瓊瑤却愛詩


吳御史父封君輓詩

布衣肯受州縣郡白首不逢紉綺羣漢家循吏舊有傳
淮南小山誰製文西臺仙籍記芳桂北闕聖恩懷美芹
歲晚江湖憶耆舊哀鴻獨叫空江雲

雨和金尚德郎中韻

亂雲深樹雨聲稠委巷頽垣共積流平地階除三尺水
暑風絺綌滿城秋兒童入市還高價薪米論家豈壯憂
賴有比隣通問訊相遇一見定無由

懷麓堂集卷十一



總校官庶吉士臣張能照

校對官檢討臣龔大萬

膳錄監生臣李士勲

欽定四庫全書薈要

集部

懷麓堂集卷十二

三



欽定四庫全書薈要卷一萬六千六百四十一

集部

懷麓堂集卷十二

明 李東陽 撰

詩稿十二

七言律詩

覽愚得詩卷有懷亡弟之作悵然感之因用其
韻

楚辭招罷日昏黃不見幽魂為返香寒菊有歌同薤露

秋風無雁憶衡陽
神交不隔江
南北塵世空
驚夢短長
去歲茲辰那可問
不勝清淚夜燈傍

施鑿官輓詩

三十年前爛熳遊
酒筵詩社憶風流
高名殷地來江左
舊業逢人說汴州
已見王郎為別駕
空傳謝朓有芳洲
惠山亭上留題在
露濕寒烟蔓草秋

午日亨父宅分題得蔗漿限東字以下五韻

紫蔗分漿出苑東
仙家元與御厨通
金盤晝永翻疑露

碧筵寒多不受風佳境惟憐江左客渴心誰識茂陵翁
芳時燕席頻繁送坐待西窓蠟炬紅

費司業廷言留飲題廂壁

壁水橋門別是天瀛洲東望亦登仙館中羣士有同輩

廷言自進士至
司業纔九年

天下此官無剩員

南京舊多闕
昨北監一人

坐擁圖

書消暇日夢隨冠蓋入新年

廷言未受命兩
日子有是夢

班行舊會

今稀少莫怪相過意惘然

寄馬抑之同年

馬號清癡又號華髮
山人養病居蘇州

不見山人又幾時
浮雲流水杳難期
頭顱自白非因老
心事全清却未癡
賀監有船多載酒
浪仙無寺不題詩
祇應閒却經綸手
獨向空江把釣絲

邀用貞秋官不果至聞再宿鳴治南樓小詩奉
問

遠別多情近却無
幾回書札費招呼
三年舊雨虛來客
一枕清風獨負吾
未信紅塵催白髮
始知城市有江湖
西垣足馬經過地
謝朓樓頭日又晡

予已邀鳴治既不果至且招予同宿未敢輒赴
用韻奉答

南樓清灑一塵無恠底高人不待呼行止古來真漫爾
主賓今日竟誰吾雲端紫蓋瞻前殿雨裏青山憶後湖
獨負兩京三載話短簷長日未能晡

復用前韻自慰

門掩空堂一客無雨聲驚夢若相呼眼中道路非前日
病起形骸是故吾翰苑朝回懷祕府洞庭家在隔重湖

繩床竹几將愁至自寫新詩到日晡

苦雨後和喬師召喜晴韻四首

壞籬頽壁幾家同苦雨無情也自公白苧裳衣殘暑後
碧山樓閣晚涼中天風北掃胡雲淨海月東來島霧空
滿席清光正回首桂花庭影夜重重

六月窮陰四野同憂時不羨魯僖公農夫正恐秋將至
聖主深勞日過中陰氣漸隨金令伏陽烏還照火雲空
猶憐怒雨號風夜破屋飛茅定幾重

杜陵廣厦萬間同千載江湖歎此公蹤跡久慙城市裏
夢魂偏墮雨聲中官河水決陂塘亂獨樹巢危鳥雀空
最是晚晴鐘鼓後夕陽依舊遠山重

急雨轟雷晝夜同枕邊驚夢起周公虛疑矮屋層簷下
如在歌帆飢浪中萬里山川秋霽合千家燈火夜愁空
人間月色清如水先照瓊樓第一重

立秋雨不止再和師召韻四首

一望頑雲萬里同長驅無乃困雷公神靈合在蒼茫外

物態都來頃刻中
媧女正愁天宇漏
鮫翁翻懼海濤空
美人只在蓬山上
咫尺瀛洲路幾重

溽暑蒸人伏枕同
愁來白髮恐難公
雨聲先到窮簷底
官事猶慙飽飯中
微物有心迴兩曜
弱雲無力度層空
陰晴欲問明朝事
知在著爻第幾重

閉門泥雨六街同
夙夜何由得在公
憂國祇憑書卷裏
放朝長憶漏聲中
烟連上苑千林暗
火照鄰家四壁空
寄語商羊休更舞
晚來愁見濕雲重

謀國憂民兩意同，獨於詩力愧諸公。
風謠合采歸天上，獻納誰能自牖中。
漆室婦嗟蓬髮改，杜陵人去草堂空。
閒愁不獨風和雨，一日迴腸有萬重。

寄彭民望

斫地哀歌興未闌，歸來長鋏尚須彈。
秋風布褐衣猶短，夜雨江湖夢亦寒。
木葉下時驚歲晚，人情閱盡見交難。
長安旅食淹留地，慙愧先生苜蓿盤。

贈傅神高訓導

彩毫和露寫清秋親見江南顧虎頭憔悴忽驚多病質
賢豪今負壯年遊眼前庶事誰工拙夢裏浮生有去留
萬里滇池三載別重來還識故吾不

寄沈提學仲律

沈侯高行迫不汙偃蹇不受風塵呼有時開口向知己
寧肯折腰為大夫高厓迅筆走風雨落日解纜思江湖
安得奮飛隘八極與子汗漫遊天衢

送周時可文選還南京用羅明仲席上韻

一月京華三見君，匆匆下馬立殘醺。
朝辭內苑千峯雪，暮宿荒郊萬疊雲。
宵旰席懷當寧寵，平安書報隔江聞。
十年忝竊箴規誼，猶戴儒冠學綴文。

宿海子西涯舊鄰

匹馬緣溪却度橋，華門踈樹影蕭蕭。
東陵舊路元相接，北郭幽期豈待招。
滿地月明如白晝，一燈人語共清宵。
悠悠二十年前事，都向春風夢裏消。

師召有盲馬售錢六百，諗之以詩。

六百青蚨十里才忍將筋骨付塵埃驚寬已脫池邊險

往事無勞塞上猜

師召已連失二馬

斗酒杜陵堪再醉

用三百青銅語

千金郢隗幸重來知公自是忘機者一笑能令萬事該

師召在內直誤繫牙牌角帶以去再贈一首

倦摩雙眼出長安束帶懸魚總誤看裝飾不嫌非異物
標題猶喜是同官酒防大白狂時換腰愧休文病後寬
堪笑玉堂叢話裏向來詩筆幾曾乾

若虛秋官舊有屋一區為積潦所壞數年不售

竟得銀四兩聞師召售馬自謂與此價略相近
索子用韻一首

臺署元非馭僧才直看金壁等浮埃顏垣已付池蛙管

賀客翻同野燕猜白老有詩行復問

樂天詩云江邊欲買三間屋問遍人

家不冠公無地去還來詞林馬價誰多少不待相逢意

已該

抑菴

為陳進士
炷乃翁作

簪組叢中老布衣肯將名字託光輝乾坤俛首平生足

貧賤驕人此意非曾替更賢狂已甚武公雖老戒無違
亦知授簡趨庭地已見先生杜德機

候馬北安門外遊慈恩寺後園有感

亂溪流水入荒塍九曲灣頭十丈藤尋遍野亭無舊主
訪回蕭寺有遺僧蒼苔斷處看將合老樹栽時記未曾
莫怪疲僮淹送馬十年一到竟何能

雨後與文明遊城南馬上和鳴治韻

乳鳩飛燕總春聲我亦緣詩大瘦生十里烟塵新路繞

五更風雨舊愁輕
山亭坐近簷簷碧
水岸花開樹樹晴
不有黃門能愛客
幾人鞍馬得相迎

陳宗堯侍講輓詩

主恩前後許登瀛
君在同官是老成
千里鶯花南國夢
兩筵歌酒故人情
流光過眼成今昔
別路傷心隔死生
此夜玉堂風露裏
不勝清淚欲沾纓

宿西涯舊鄰次方石韻

春興無端入酒杯
每逢花鳥共嘲詼
望隨山欲斷時盡

行到水將窮處回雁影忽驚還北向馬頭誰遣更西來
夜闌秉燭蒼茫坐醉後真成夢裏猜

己亥中元陪祀山陵道中奉和楊學士先生韻

十首

十年三赴四陵朝又逐諸公一舉鑣龍尾道瞻回輦近
馬蹄塵送入山遙天開野色川原淨日出城頭霧雨消
無數晚花秋樹裏未須風物向春饒

數村烟火接荒墟芳草連天入望餘幾處桑麻還舊業

去年風雨憶空廬
疲童望路心兼遠
野老迎人禮大踈
獨向豐年詢往事
未堪回首意躊躇

葛衣葵扇一時新
自辦山裝學野人
踏盡柳堤行更遠
掃殘苔石坐還頻
蟲鳴水岸偏依曉
雁度山城正憶春
萬里炎蒸消欲盡
不勞風雨洗蒼旻

布衣人犯逆鱗
一代賢豪此地鍾
香火制存空古廟
策書名在有遺封
蕭蕭白髮餘民改
曲曲青山舊路重

欲向五陵還吊古
永安城外數聲鐘

劉黃昌
平人

地闢天開戶牖成古來人代幾回更四朝陵寢千年固
百里山川一掌平殿上朶雲當夜捧空中靈籟入秋鳴
重城複道香烟裏又聽雲車下紫清

夜深燈火下齋宮路轉西巖却向東四塞河山今古在
諸陵雲霧往來同烟叢簇簇溪藤暗秋葉蕭蕭嶺樹紅
獨愧兩都詞賦手玉堂椽筆待名公

馬頭殘夢不成酣似覺薰風為指南官燭罷燒猶有月
朝衣初脫尚餘嵐回鞭懶赴城東宴揮麈聊同石上談

記得曩時曾宿地翠微深處一禪菴

官曹行樂漫消憂得似周南太史遊巖勢繞空皆右轉
泉聲赴壑盡東流八方貢賦歸王甸萬古山名屬帝丘
同是鵷鷺飛宿地不應中有一沙鷗

路盡郵亭始入京水村山郭幾經行逢人借屋寧知姓
信馬題詩不記程沙浦鴈回風忽斷石梁魚落水初清
瓊樓合在層霄外莫遣微雲綴月明

僕夫催馬劇如飛望近城樓及曉暉百里路方辭寢廟

兩宵心不離庭闈睡餘白日猶高枕拂盡黃塵更振衣
藤几竹牀安穩甚任他風雨過書幃

昌平縣學新構翰林行館奉和謝學士先生舊
題韻留楊教諭顯爵夏訓導璉一首

石橋沙路隔東西宛轉如登十大堤涼愛野風清別院
夜聞山雨過前溪棲鸞樹老多成實賀燕巢傾半委泥
好種琅玕二百箇重來須就節間題

和鳴治侍講贈行韻

玉堂人在閩西峯應憶譙樓五夜鐘
海內萍蹤嗟我遠夢中山色想君濃
書回直欲憑秋雁吟苦誰甘學暮蛩
獨有勝遊兼樂事不堪持為故人封

和亨大修撰席上聯句贈行韻

行前一日亨大以采石一尊為

餞

石逕緣厓半入雲獨開齋閣坐斜曛
層城夜闕諸山色夾路人喧萬馬羣
屐齒不辭狂謝眺帶圍真減病休文
豪遊竟作醒三日長憶高堂舊酒曛

和汝賢脩撰贈行韻

樹影穿籬犬吠雪憶君同宿嶺頭曛離歌忽漫傳新調
別馬猶疑戀舊羣秋館圖書遠伴直夜堂燈火夢論文
不知聽雨亭前坐對酒看花日幾曛

和若虛郎中贈行韻

赤日黃塵馬倦行石橋山店有官程城頭路盡千峯隔
袖裏詩來兩腋清蟬雜柳風秋漸遠鶴翻松露夜還驚
欲知小吏將詩意記取柴門剥啄聲

和趙夢麟主事東陵見寄韻

翡翠樓臺白玉堤，碧山深處有輪蹄。
神宮望接香烟際，閣道旋隨斗柄西。
萬乘旌旗雲外合，兩班環珮月中齊。
官曹莫歎東西隔，又聽星輶載紫泥。

時夢麟將有淮陽之使

內直大雨留壁上呈諸同寅

苑花庭樹隔蒼茫，急雨顛風驟作狂。
欹枕北窗驚夢短，移床東壁捲衣忙。
堂茅幸免三重破，堦水真愁一尺強。
寄謝諸公前後直，馬頭炎日漫辭長。

與顧天錫夜話和留別韻

時天錫謫永
州府同知

路轉三湘去更深
潞河西岸淅東潯
潛鱗自足波濤地
別馬長懷秣飼心
湘女廟前山似黛
柳公亭下石如林
徵科亦是公家事
民力江南恐未禁

以絲瓜饋李秋官
若虛誦瓜瓞詩為
祝若虛有詩馮秋
官佩之以和章見
索因用韻饋瓜如
例並呈二君

地接東陵路不賒
冷官生計只籬瓜
閒行似愛涼陰薄

醉筆多隨野蔓斜，名自雅歌傳聖代。
例分風味與詩家，從今記取宜男祝。
賀客來時好薦茶。

大雨次李若虛馮佩之屠元勳聯句韻

醉鬼驚散眼花稠，溜下空庭水亂流。
卧聽衡茅兼徹夜，坐看絺綌已先秋。
排空濁浪騷人恨，蔽日浮雲壯士愁。
郎署忽傳歌古調，韻風含雨正悠悠。

體齋宅賞蓮用體齋韻

獨坐幽亭數竹攢，名花何意此相看。
一枝已分巢林足。

寸步猶疑縮地難
香愛露華濃似酒
靜憐秋色冷於官
狂來却恠簫杯淺
直欲全傾翡翠盤

送王汝瑛院判歸省宜興

梅溪之水清無痕
梅溪主人花對門
門開花萬樹復萬樹
流水一村還一村
采藥路迷山遠近
讀書聲動月黃昏
欲知畫錦經行地
盡是天家雨露恩

和蕭給事元日早朝韻

庭燎光分燭影稀
玉階殘雪向春微
千官夜聽星辰履

九陛朝懸日月旂地切丹山聞鳳吹天開黃道見龍飛
海東才子多春興一日新詩動瑣闈

郊齋和張修撰韻

煖風晴日麗層天霧駕飈車從列仙鳴鳳有岐還盛世
神龜出洛自何年朝班曉躡青霄上御氣春浮紫蓋邊
珍重玉堂清密地新詩莫遣外人傳

慶成宴有述

殿庭開宴引千官拜舞親承萬歲歡坐擁日華看漸近

酒傳天語飲教乾

每宴必傳旨云滿斟酒又云官人每飲乾

青雲舊侶班相

望白雪非才和豈難十五年來無寸補一心惟有向時

丹

和明仲洗馬韻二首

竹簡韋編次第評於今真見古人情百年事了須聞道
舉世嫌多為近名敢謂學非顏氏樂真將心比伯夷清
塵蹤滿地無由濯何處滄浪水上纓

友道陵夷繼者稀獨予材力尚卑微無成頗覺初心負

未老先知舊事非今日中流須砥柱幾年東壁有餘輝
期君合在風塵外千仞岡頭一振衣

上元日與文敬諸友遊神樂觀蒙典簿宅歸馬
上作

玉壺沽酒載青驄同向城南問老蒙誰信神仙有官府
始知軒冕是樊籠去年花在開應晚落日詩成意未工
歸到上元燈火夜九衢絲管聽兒童

春闈校文有作呈諸同考

省闈分職重持衡十載趨陪兩度行滿地奎光天咫尺
隔簾人語夜分明空中萬馬神俱驟海底遺珠夢亦驚
科甲少年今老大耻將名姓託群英

沈禮部時暘行以隻鵝斗酒為餞家僮誤送于
顧刑部天錫時暘去始知之戲作小詩奉寄

隔城風雨送歸驂斗酒籠鵝意未堪何令別時無長物
殷郎書到只空函十年世事成春夢千里神交入夜談
他日相逢應大笑亂山深處是江南

送王成憲歸蘇州省母得難字

曉風殘雨送春寒一曲離歌意未闌
都尉府中新捧檄侍郎門下舊彈冠
貧憐菽水為歡易老覺江湖見面難
已辦彩衣隨畫舫風流未數晉潘安

送樊時登延平訓導

客堂寥落雨兼風一曲離歌月斷鴻
楊執戟生空識字李將軍戰竟無功
孤舟野岸蘋花發五月山城荔子紅
見說儒冠非遠別夢竟長在浙江東

送桑民懌訓導泰和

民懌蘇人會試春闈策有
習中有長劍一日幾回磨

等語為晏檢討汝賢所點又作學以至聖人之
道論有我去而夫子來等語為丘學士仲深所
點今年得乙榜年二十二籍誤以
二為五用新例辭不許遂有是命

十年三度試春闈親見聲名滿帝畿
甲第久慙唐李邕
奇才終誤宋劉幾
功名歲晚非蓬鬢
湖海官貧尚布衣
試看孤鷹下林落
甘心還向碧天飛

送宋民止綿州學正

民止民表進士之弟前翰
林孔目公之子今年予校

其文中格用制

額退在乙榜

已見珊瑚拂釣竿不勝遺恨滿江湍力窮魯縞心猶壯
望入蓬山路始難無奈風塵催短髮且將名字託微官
青氈舊是君家物又向王郎坐裏看

送董子仁給事使琉球

琉球東望海門開聖代提封亦壯哉萬里風濤纔七日
六年天使此重來麒麟有服真殊寵薏苡無車莫浪猜
歸憶皂囊封事在殿前風采尚崔嵬

送張思履司副使琉球

尚方新報賜衣成玉節金書萬里行
嶺外方言通異俗
島中烟火望孤城
由來使者關風化
親見朝廷錄姓名
不用殷勤宣聖德
遠人先賀海波平

送王祭酒先生還南京

盛代聲名北斗尊
錦袍牙笏舊承恩
兩都詞賦多傳世
四海英才半在門
紫塞天高連雁影
石城江落見潮痕
金甌綵筆雲霄夢
姓字應勞聖主論

和韻寄答陳汝礪掌教

寂寞天涯歎所依
海底江月意俱違
茱萸歲改身仍健
首宿秋荒馬不肥
白雪屢傳新調寡
青雲半覺舊人非
家山不隔長安路
應倚南樓望夕暉

和師召步入西華韻

九衢香霧擁塵埃
望盡仙蹤隔草萊
蟬蛩影從橋底見
芙蓉花在鏡中開
碧桃黃竹無年歲
翠羽紅鱗自去來
幾度北安門外路
誤騎羸馬繞城回

寄劉時雍

望到關山白雁初離愁多在憶君餘百年交友通家誼
萬事傷心一紙書江上流民何日定里中羣盜可能除
西垣詞賦東曹業欲效賢勞愧不如

遊城西故趙尚書果園與蕭文明李士常陳玉
汝潘時用倡和四首

漫憶江湖萬里遊西湖風景似南州青苔地濕頻經雨
白苧涼生不待秋塵事已醒前日夢歲華空白幾人頭
松醪載得渾拚醉莫遣飛花浪作愁

官曹無計可招尋生愛林風滿素襟醉後頗思醒酒石
貧來須辦買山金花溪柳徑稀疎見茗盞冰壺次第斟
欲問五陵歌舞地我家園樹得成陰

句入西園字字清葛衣紗帽稱閒行苔侵翠壁應全偏
果熟青林已暗生流水斷堤人共遠片雲孤鳥意俱輕
閒官愛說山中話為有歸田錄未成

殘樽繫馬立斜陽忽送秋聲滿樹涼花落始知留客久
雨來偏為作詩忙山堂竹戶寒猶閉石徑苔泥滑不妨

獨有園人愛沾灑不隨僮僕問歸裝

送陸封君歸大倉

鼎儀脩撰
之父也

十年池鳳遠將雛白首飛揚興不無老去關心惟骨肉
夢來歌枕亦江湖山川尚憶重遊薊鄉里猶稱舊姓吳
畫舫載將官寺酒却從林下說皇都

予素不善飲文明詩來有西涯爛醉欲人扶之
句日以二樽見惠步韻答之

夢斷高陽舊酒徒坐驚神語落虛無若教對飲應差勝

縱使微醺不用扶往事分明成一笑遠情珍重得雙壺
次公亦是醒狂客幸未麤豪比灌夫

送鄭瑤夫先生之南京太常

冰霜心事見平生冠冕文章動兩京直講舊官纔五品
太常新命接三卿園林俎豆春秋祭江海底闡日夜情
近說詞臣多簡在御屏風上恐題名

送王元常貢士歸省河州

兵部尚書
公度之子

尚書門第切雲高西去秦山望眼勞朝論十年歸舊德

家聲今日在時髦
虛聞漢節求良馬
尚有任竿拂巨鰲
却望故園歸路杳
未辭塵土逐青袍

刑部郎中栝蒼金君尚德之子禧及其弟尚義
御史之子祺聞尚義將有謫命自其家赴京師
以予託交二君稱契家子來謁予重其孝爰篤
至悵然感之賦贈一律

舊家門第有清風
睂宇分明似兩翁
春夢忽驚黃耳犬
秋風愁送玉關鴻
徐歌漫有臨歧贈
襁刺深勞昨夜通

薊北遼東俱萬里天涯回首意匆匆

懷麓堂集卷十二